

Universitätsbibliothek Paderborn

**Dissertatio Triplex Theologica, Ad Mentem Præclarissimi
Ecclesiæ D. S. P. Avgvstini, (Cui consonat Doctor
Angelicus cum Melliflvo,)**

Schweitzer, Johannes

Coloniæ Agrippinæ, Anno M.DC.LXXXII.

Paragraphus secundus. An secundùm S. Augustinum detur ignorantia
invincibilis juris naturalis.

urn:nbn:de:hbz:466:1-39320

poteſt ignorans invincibiliter; ergo ignorantia invincibilis non excusat ſemper à peccato. Probatur minor: quia ille potest cognoscere, cuius intellectus eſt informatus ſufficientibus ſpeciebus intelligibiliſbus, à quibus denominatur intellectus potens cognoscere; ſed intellectus ignorantis invincibiliter interdum eſt ſic inſtructus: ergo &c.

Difſimulata majori, Respondeo negando minorem. Et ad probationem ejus dico, non ſufficere ſpecies, ſed requiri quoque eatum excitationem, quam laborans ignorantia invincibili non habet in ſua potestate.

Objicies ſextò: Si ignorantia invincibilis excusat à peccato; ergo conſuetudinarii, qui te ipſos obdura- runt & excecarunt ſunt meliori loco, quam alii, qui veritatem cognofunt. Respondeo negando confe- quentiam, quia conſuetudinarii agentes contra legem naturalem & divinam ſufficienter propositam &c. non laborant ignorantia invincibili. eſt enim illis igno- rantia voluntaria, ut magis patebit ex dicendis. Videri potest diſſertatio de ſufficientia & neceſſitate Pœnitentiæ &c. dubio 6. & 9.

PARAGRAPHUS SECUNDUS.

An secundum Auguſtinum detur ignorantia invincibilis iuriſ naturali?

DE Jure ſive lege naturali dicit S. Auguſtinus lib. 2. Confess. c. 4. *Lex tua, Domine, in cordibus ho- minum*

innum scripta est &c. Eo ipso enim, quod Deus voluerit naturam rationalem creare, & sapienter gubernare, voluit, itinè debuit curare, ut viveret conformiter suæ naturæ, & consequenter eam obligare, ad fugienda ea, quæ sunt intrinsecè & ex naturâ suâ mala, & ad prosequenda opposita bona. Lex igitur naturalis, prout in Deo existit, non distinguitur adæquatè à lege æterna. Consistit enim in ordinatione divinæ sapientiæ, secundum quod est directiva creaturarum rationalium, modo jam dicto: cuius ordinationis sive dictaminis divini imago, & participatio est lex naturalis, prout existit formaliter in ipsâ creaturâ, id est, dictamen actuale rectæ tationis, quo præcipit rationali creaturæ, ut memodata mala fugiat, & bona prosequatur. Dixi *formaliter*; quia si sermo sit de lege naturali fundamentaliter, & in actu primo spectatâ, non distinguitur ab ipsâ naturâ rationali, sive lumine naturali intellectus in actu primo, sive à vi discernendi honesta & turpia, atque obligandi ad hæc fugienda, & illa prosequenda, de quibus latius solet tractari in materia de legibus. Continet autem lex naturalis duplicitis generis præcepta, videlicet communia, & particularia. Commune est illud: *Quod tibi non vis fieri, ne facias alteri.* Particularia sunt quasi conclusiones, quæ ex communibus deducuntur.

Nota; Tria præceptorum in Decalogo contentorum, quæ vocantur primæ tabulæ, respicere Deum, & divinam Religionem; septem, quæ secundæ tabulæ nominantur, disponere hominem bene erga proximum, & tam hæc, quam illa, non minus Christianis

esse observanda , quām fuerint observanda Iudæis
imò magis, secundūm S. Augustinum, qui Tract. 3. in
Joan. ait: *Illa omnia præcepta nobis magis præcipiuntur,
& observanda sunt.*

Nota secundò: Posse aliquid dici absolutè & sim-
pliciter ignorantia invincibiliter secundūm se propriè,
licet prout vestitur aliqua circumstantia , ignoretur in-
vincibiliter.

Celeberrima , & magni momenti inter recentiores
Theologos controversia est , an detur ignorantia in-
vincibilis legis naturalis ? Dixi *inter Recentiores*, quia
Vasquez 1,2. disp. 122. cap. 1. & Paulus Comitulus
lib. 5. resp. moral. c. 1. testantur , antiquos Theologos
istius fuisse sententiae , quod semper vincibilis esset juris
sive legis naturalis ignorantia. Quinam sint isti anti-
qui , & adhærentes illis juniores , an scilicet Jansenistæ,
vel econtra Augustiniani & Thomistæ , dicetur Para-
grapho sequenti. Operæ pretium erit , examinare , &
intelligere , quid senserit in hac materia præcipuus Ec-
clesiæ Doctor S. P. Augustinus &c.

Respondeo & dico : Secundūm S. Augustinum
non datur ignorantia invincibilis juris sive legis natu-
ralis secundūm se spectatæ , in homine usu rationis
pollente. Probatur primò , quia ignorantia volunta-
ria , sive quæ humanâ industriâ per Dei gratiam omni-
bus paratam adjuta superari potest , non est invincibi-
lis ; sed talis , secundūm S. Augustinum , est omnis ig-
norantia juris naturalis : ergo. Major patet ex dictis
§. 1. Minor probatur : quia si homo se ad alia cogno-
scenda , & amanda non applicet , potest juxta hoc ge-
nerale